

da cor meum, etc.; et accepta benedictione à Sacerdote, versa facie ad Aquilonem, dicit:

- ¶. Dominus vobiscum.
- ¶. Et cum spiritu tuo.
- ¶. Sequentia Sancti Evangelii secundum Matthæum.
- ¶. Gloria tibi Domine.

Et interim incensat librum Evangelii.

In illo tempore: Dixit Jesus discipulis suis: Sicut fulgur exit ab Oriente, et paret usque in Occidentem, ita erit adventus filii hominis. Ubicumque fuerit corpus, illuc congregabuntur, et Aquilæ. Statim autem post tribulationem dierum illorum Sol obscurabitur, et Luna non dabit lumen suum, et stellæ cadent de cælo, et virtutes cœlorum commovebuntur. Et tunc apparebit signum filii hominis in cælo, et tunc plangent omnes tribus terræ. Et videbunt filium hominis venientem in nubibus cœli cum virtute multa, et majestate. Et mittet Angelos suos cum tuba, et voce magna, et congregabunt electos ejus à quatuor ventis, à summis cœlorum usque ad terminos eorum. Ab arbore autem fici discite parabolam. Cum jam ramus ejus tener fuerit, et folia nata, scitis, quia prope est ætas. Ita et vos cum videritis haec omnia, scitote, quia prope est in januis. Amen dico vobis, quia non præteribit generatio haec, donec omnia fiant, cœlum, et terra transibunt: verba autem mea non præteribunt.

Dicto Evangelio, Sacerdos tenens manibus lignum sanctæ Crucis vadit ad locum, ubi fuit cantatum, et cum

Diacono intonat Antiphonam: Ecce Crucem, etc.; et ea finita dicit:

- ¶. Mihi autem absit gloriari. Alleluia.
- ¶. Nisi in Cruce Domini nostri Jesu-Christi. Alleluia.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum.
- ¶. Et cum spiritu tuo.

OREMUS.

A Domo tua, quæsumus Domine, spirituales nequitiae repellantur, et aerearum discedat malignitas tempestatum, et fulgorum: et nos famulos tuos ab omni adversitate custodi, et fructus terræ dare, et conservare digneris. Per Christum Dominum nostrum. ¶. Amen.

Tum Sacerdos, circumeundo Altare ad benedictionem paratum, vel locum (vulgo lo Padró) cum cruce in manibus quatuor termini partes benedicet, et versus Orientem dicet: Bene ✕ dictio Dei Omnipotens. Versus Occidentem. Pa ✕ tris. Versus Meridiem. Et Fi ✕ lii. Versus Aquilonem. Et Spiritus ✕ Sancti, descendat super nos, et maneat super hunc terminum nostrum. ¶. Amen.

Et statim Sacerdos ponet lignum sanctæ Crucis in Altari, et accepto aspersorio, quatuor partes termini aqua benedicta asperget.

His finitis, revertatur Processio ad Ecclesiam canendo Hymnum: Te Deum laudamus; et si iter sit longum, repetetur ita, ut finiatur eo tempore, quo perveniat Sa-

*cerdos ad altare majus Ecclesiae; ibique flexis genibus,
voce intelligibili dicet :*

¶. Benedicamus Patrem, et Filium cum Sancto Spiritu. Alleluia.

¶. Laudemus, et superexaltemus eum in saecula. Alleluia.

¶. Gaude, et lætare Virgo Maria. Alleluia.

¶. Quia surrexit Dominus vere. Alleluia.

Hic dici poterunt versiculi Orationis Sancti titularis Ecclesiae, et postea :

¶. A fulgure et tempestate. Alleluia.

¶. Libera nos Deus noster. Alleluia.

¶. Domine, exaudi orationem meam.

¶. Et clamor meus ad te veniat.

¶. Dominus vobiscum.

¶. Et cum spiritu tuo.

Et Sacerdos surgens :

OREMUS.

Omnipotens Sempiterne Deus, qui dedisti famulis tuis in confessione veræ fidei, æternæ Trinitatis gloriam agnoscere, et in potentia majestatis adorare unitatem : quæsumus, ut ejusdem fidei firmitate, ab omnibus semper muniamur adversis.

Deus qui per resurrectionem Filii tui Domini nostri Iesu-Christi mundum læticare dignatus es: presta quæsumus, ut per ejus Genitricem Virginem Mariam, perpetuae capiamus gaudia vitæ.

Hic dicetur Oratio Sancti Titularis Ecclesiae, et postea :

A Domo tua, quæsumus Domine, spirituales nequitiae repellantur, et aerearum discedat malignitas tempestatum, et fulgurum, et nos famulos tuos ab omni adversitate custodi, et fructus terræ dare, et conservare digneris. Per Christum Dominum nostrum. ¶. Amen.

Extra tempus paschale non dicitur Alleluia, nec versiculos Gaudæ, et lætare, sed pro eo :

¶. Ora pro nobis Sancta Dei Genitrix. ¶. Ut digni efficiamur promisionibus Christi. *Et loco Orationis :* Deus qui per resurrectionem, *dicenda est quæ sequitur :*

ORATIO.

Omnipotens Sempiterne Deus, qui gloriose Virginis Matris Mariæ corpus, et animam, ut dignum Filii tui habitaculum effici mereretur, Spiritu Sancto cooperante, præparasti: da, ut cujus commemoratione lætamur, ejus pia intercessione ab instantibus malis et à morte perpetua liberemur.

Prædicta forma observanda erit semper ac facienda erit Benedictio Termini, in diebus Dominicis occurrentibus à die Sanctæ Crucis Maii ad diem Sanctæ Crucis Septembris, extra id tempus, seu quocunque tempore quo conveniens videatur ut fiat; et semper addendum est Alleluia in fine Antiphonæ : Ecce Crucem.

LITANIAE MAJORES.

(Ex Rit. Rom.).

Ponuntur hic litaniae pro majori commoditate in praecedenti benedictione et sequentibus faciendis.

Kyrie eleison. Christe eleison. Kyrie eleison. Christe audi nos. Christe exaudi nos.	
Pater de Ccelis Deus,	miserere nobis.
Fili Redemptor mundi Deus,	miserere nobis.
Spiritus Sancte Deus,	miserere nobis.
Sancta Trinitas unus Deus,	miserere nobis.
Sancta Maria,	ora pro nobis.
Sancta Dei Genitrix,	ora.
Sancta Virgo Virginum,	ora.
Sancte Michael,	ora.
Sancte Gabriel,	ora.
Sancte Raphael,	ora.
Omnis sancti Angeli et Archangeli,	orate pro nobis.
Omnis sancti beatorum spirituum ordines,	orate.
Sancte Joannes Baptista,	ora.
Sancte Joseph,	ora.
Omnis sancti Patriarchæ, et Prophetæ,	orate.
Sancte Petre,	ora.
Sancte Paule,	ora.
Sancte Andrea,	ora.
Sancte Jacobæ,	ora.
Sancte Joannes,	ora.
Sancte Thoma,	ora.

Sancte Jacobe,	ora.
Sancte Philippe,	ora.
Sancte Bartholomæ,	ora.
Sancte Matthæ,	ora.
Sancte Simon,	ora.
Sancte Thaddæ,	ora.
Sancte Mathia,	ora.
Sancte Barnaba,	ora.
Sancte Luca,	ora.
Sancte Marce,	ora.
Omnis sancti Apostoli, et Evangelistæ,	orate.
Omnis sancti Discipuli Domini,	orate.
Omnis sancti Innocentes,	orate.
Sancte Stephane,	ora.
Sancte Laurenti,	ora.
Sancte Vincenti,	ora.
Sancti Fabiane, et Sebastiane,	orate.
Sancti Joannes, et Paule,	orate.
Sancti Cosma, et Damiane,	orate.
Sancti Gervasi, et Protasi,	orate.
Omnis sancti Martyres,	orate.
Sancte Sylvester,	ora.
Sancte Gregori,	ora.
Sancte Ambrosi,	ora.
Sancte Augustine,	ora.
Sancte Hieronime,	ora.
Sancte Martine,	ora.
Sancte Nicolae,	ora.
Omnis sancti Pontifices et Confessores,	orate.
Omnis sancti Doctores,	orate.

Sancte Antoni,	ora.
Sancte Benedicte,	ora.
Sancte Bernarde,	ora.
Sancte Dominice,	ora.
Sancte Francisce,	ora.
Omnes sancti Sacerdotes et Levitæ,	orate.
Omnes sancti Monachi et Eremitæ,	orate.
Sancta Maria Magdalena,	ora.
Sancta Agatha,	ora.
Sancta Lucia,	ora.
Sancta Agnes,	ora.
Sancta Cæcilia,	ora.
Sancta Catharina,	ora.
Sancta Anastasia,	ora.
Omnes sanctæ Virgines et Viduæ,	orate.
Omnes Sancti, et Sanctæ Dei,	intercede pro nobis.
Propitius esto,	parce nobis Domine.
Propitius esto,	exaudi nos Domine.
Ab omni malo,	libera nos Domine.
Ab omni peccato,	libera.
Ab ira tua,	libera.
A subitanæ et improvisa morte,	libera.
A flagello terræmotus,	libera.
Ab insidiis diaboli,	libera.
Ab ira, et odio, et omni mala voluntate,	libera.
A spiritu fornicationis,	libera.
A fulgure et tempestate,	libera.
A morte perpetua,	libera.
Per mysterium Sanctæ Incarnationis tuæ,	libera.
Per Adventum tuum,	libera.

Per Nativitatem tuam,	libera.
Per Baptismum et sanctum jejunium tuum,	libera.
Per Crucem et passionem tuam,	libera.
Per mortem et sepulturam tuam,	libera.
Per sanctam Resurrectionem tuam,	libera.
Per admirabilem Ascensionem tuam,	libera.
Per adventum Spiritus Sancti Paracliti,	libera.
In die judicii,	libera.
Peccatores,	te rogamus audi nos.
Ut nobis parcas,	te rogamus audi nos.
Ut nobis indulgeas,	te rogamus audi nos.
Ut ad veram pœnitentiam nos perducere digneris,	te.
Ut Ecclesiam tuam sanctam regere, et conservare digneris,	te rogamus audi nos.
Ut dominum apostolicum, et omnes Ecclesiasticos ordines in sancta religione conservare digneris,	te.
Ut inimicos sanctæ Ecclesiæ humiliare digneris,	te.
Ut Regibus et Principibus Christianis pacem et veram concordiam donare digneris,	te rogamus audi nos.
Un cuncto populo Christiano pacem et unitatem largiri digneris,	te rogamus audi nos.
Ut nos metipso in tuo sancto servitio confortare et conservare digneris,	te rogamus audi nos.
Ut mentes nostras ad cœlestia desideria erigas,	te.
Ut omnibus benefactoribus nostris sempiterna bona retribuas,	te rogamus audi nos.
Ut animas nostras, fratrum, propinquorum, et benefactorum nostrorum ab æterna damnatione eripiias,	te rogamus audi nos.
Ut fructus terræ dare et conservare digneris,	te.

Ut omnibus fidelibus defunctis requiem æternam donare digneris, te rogamus audi nos.
 Ut nos exaudire digneris, te rogamus audi nos.
 Fili Dei, te rogamus audi nos.
 Agnus Dei qui tollis peccata mundi, parce nobis Domine.
 Agnus Dei qui tollis peccata mundi, exaudi nos Domine.
 Agnus Dei qui tollis peccata mundi, miserere nobis.
 Christe audi nos. Christe exaudi nos. Kyrie eleison.
 Christe eleison. Kyrie eleison.
 Pater noster. *Secreto.*
 ¶. Et ne nos inducas in temptationem.
 ¶. Sed libera nos à malo.

PSALMUS LXIX.

Deus, in adjutorium meum intende: * Domine ad adjuvandum me festina.
 Confundantur, et revereantur, * qui quærunt animam meam.
 Avertantur retrorsum, et erubescant, * qui volunt mihi mala.
 Avertantur statim erubescentes, * qui dicunt mihi: Euge, euge.
 Exultent, et lætentur in te omnes qui quærunt te, * et dicant semper: Magnificetur Dominus; qui diligunt salutare tuum.
 Ego vero egenus et pauper sum: * Deus, adjuva me.
 Adjutor meus, et liberator meus es tu: * Domine, ne moreris. Gloria Patri, etc.

¶. Salvos fac servos tuos.
 ¶. Deus meus, sperantes in te.
 ¶. Esto nobis, Domine, turris fortitudinis.
 ¶. A facie inimici.
 ¶. Nihil proficiat inimicus in nobis.
 ¶. Et filius iniquitatis non apponat nocere nobis.
 ¶. Domine, non secundum peccata nostra facias nobis.
 ¶. Neque secundum iniquitates nostras retribuas nobis.
 ¶. Oremus pro Pontifice nostro N.
 ¶. Dominus conservet eum, et vivifecet eum, et beatum faciat eum in terra, et non tradat eum in animam inimicorum ejus¹.
 ¶. Oremus pro benefactoribus nostris.
 ¶. Retribuere dignare, Domine, omnibus nobis bona facientibus propter nomen tuum vitam æternam.
 Amen.
 ¶. Oremus pro fidelibus defunctis.
 ¶. Requiem æternam dona eis, Domine, et lux perpetua luceat eis.
 ¶. Requiescant in pace.
 ¶. Amen.
 ¶. Pro fratribus nostris absentibus.
 ¶. Salvos fac servos tuos, Deus meus, sperantes in te.
 ¶. Mitte eis, Domine, auxilium de sancto.
 ¶. Et de Sion tuere eos.

¹ Sede Papali vacante, omittatur, et statim dicatur: Oremus pro benefactoribus nostris, etc.

¶. Domine, exaudi orationem meam.
¶. Et clamor meus ad te veniat.
¶. Dominus vobiscum.
¶. Et cum spiritu tuo.

OREMUS.

Deus, cui proprium est misereri semper et parcere, suscipe deprecationem nostram: ut nos, et omnes famulos tuos, quos delictorum catena constringit, miseratione tuæ pietatis clementer absolvat.

Exaudi, quæsumus Domine, supplicum preces, et confitentium tibi parce peccatis: ut pariter nobis indulgentiam tribuas benignus et pacem.

Ineffabilem nobis, Domine, misericordiam tuam clementer ostende: ut simul nos et à peccatis omnibus exuas, et à pœnis, quas pro his meremur, eripias.

Deus, qui culpa offenderis, pœnitentia placaris, preces populi tui supplicantis propitiis respice: et flagella tuae iracundiæ, quæ pro peccatis nostris meremur, averte.

Omnipotens, Sempiterne Deus, miserere famulo tuo Pontifici nostro N.¹, et dirigi eum secundum tuam clementiam in viam salutis æternæ: ut te donante tibi placita cupiat, et tota virtute perficiat.

Deus, à quo sancta desideria, recta consilia, et justa sunt opera, da servis tuis illam, quam mundus dare non potest, pacem: ut et corda nostra mandatis tuis

¹ Sede Papali vacante, omittatur, et statim dicitur Oratio sequens: Deus, à quo sancta desideria, etc.

dedita, et hostium sublata formidine, tempora sint tua protectione tranquilla.

Ure igne Sancti Spiritus renes nostros, et cor nostrum, Domine: ut tibi casto corpore serviamus, et mundo corde placeamus.

Fidelium, Deus, omnium Conditor et Redemptor, animabus famulorum, famularumque tuarum remissionem cunctorum tribue peccatorum: ut indulgentiam, quam semper optaverunt, piis supplicationibus consequantur.

Actiones nostras, quæsumus Domine, aspirando præveni, et adjuvando proseguere: ut cuncta nostra oratio, et operatio à te semper incipiat, et per te copta finiatur.

Omnipotens, Sempiterne Deus, qui vivorum dominaris simul et mortuorum, omniumque misereris, quos tuos fide et opere futuros esse prænoscis: te supplices exoramus, ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dominum nostrum Jesum-Christum filium tuum: qui tecum vivit et regnat in unitate Spiritus Sancti Deus, per omnia sæcula sæculorum. ¶. Amen.

¶. Dominus vobiscum.
¶. Et cum spiritu tuo.
¶. Exaudiat nos omnipotens et misericors Dominus.
¶. Amen.
¶. Et fidelium animæ per misericordiam Dei requiescant in pace. ¶. Amen.

BENEDICTIO AERIS AD PETENDAM PLUVIAM.

(Ex Rit. Vicen. Barcin. et Col. P. Sannig.).

Potest fieri cum Processione publica, ex Parochia, vel privatim ante valvas Ecclesiae, vel domi. Primo dicuntur Litaniæ omnium Sanctorum usque ad finem, ut supra pag. 40; et ante versum: Ut fructus terræ dare, etc., bis dicatur:

Ut congruentem pluviam fidelibus tuis concedere digneris, te rogamus audi nos.

In fine postea dicitur: Pater noster, secreto.

¶. Et ne nos inducas in temptationem.

¶. Sed libera nos à malo.

PSALMUS CXLVI.

Laudate Dominum quoniam bonus est psalmus: * Deo nostro sit jucunda, decoraque laudatio.

Ædificans Jerusalem Dominus: * dispersiones Israelis congregabit.

Qui sanat contritos corde: * et alligat contritiones eorum.

Qui numerat multitudinem stellarum: * et omnibus eis nomina vocat.

Magnus Dominus noster, et magna virtus ejus: * et sapientia ejus non est numerus.

Suscipiens mansuetos Dominus: * humilians autem peccatores usque ad terram.

Præcinite Domino in confessione: * psallite Deo nostro in cithara.

Qui operit cœlum nubibus: * et parat terræ pluviam.
Qui producit in montibus fœnum: * et herbam servituti hominum.

Qui dat jumentis escam ipsorum: * et pullis coryrorum invocantibus eum.

Non in fortitudine equi voluntatem habebit: * nec in tibiis viri beneplacitum erit ei.

Beneplacitum est Domino super timentes eum: * et in eis qui sperant super misericordia ejus.

Gloria Patri, et Filio, et Spiritui Sancto, etc.

Quo finito dicantur preces sequentes:

¶. Operi Domine cœlum nubibus.

¶. Et para terræ pluviam.

¶. Ut producat in montibus fœnum.

¶. Et herbam servituti hominum.

¶. Riga montes de superioribus tuis.

¶. Et de fructu operum tuorum satiabitur terra.

¶. Domine, exaudi orationem meam.

¶. Et clamor meus ad te veniat.

¶. Dominus vobiscum.

¶. Et cum spiritu tuo.

OREMUS.

Deus, in quo vivimus, movemur, et sumus: pluviam nobis tribue congruentem; ut præsentibus auxiliis sufficienter adjuti, sempiterna fiducialius appetamus.

Oratio.

Præsta, quæsumus omnipotens Deus: ut qui in afflictione

tione nostra de tua pietate confidimus, contra adversa omnia, tua semper protectione muniamur.

Oratio.

Da nobis, quæsumus Domine, pluviam salutarem, et aridam terræ faciem fluentis cœlestibus dignanter infunde. Per Dominum nostrum Jesum-Christum, etc.

- ¶. Dominus vobiscum.
- ¶. Et cum spiritu tuo.
- ¶. Benedicamus Domino.
- ¶. Deo gratias.
- ¶. Exaudiat nos omnipotens et misericors Dominus.
- ¶. Amen.
- ¶. Fidelium animæ per misericordiam Dei requiescant in pace. ¶. Amen.

BENEDICTIO PRO AERIS SERENITATE.

(Ex Rit. Vicen. et Barcin. et Col. P. Sannig.).

Quæ potest etiam fieri post publicam cum populo supplicationem; vel privatim ante Ecclesiam, aut domi à Sacerdote. Primo dicuntur Litaniae ut supra pag. 40, et ante versum: Ut fructus terræ, etc., bis dicatur:

Ut fidelibus tuis aeris serenitatem concedere digne-
ris, te rogamus audi nos.

In fine obsecrationum dicitur: Pater noster, etc.

- ¶. Et ne nos inducas in temptationem.
- ¶. Sed libera nos à malo.

PSALMUS LXVI.

Deus misereatur nostri, et benedicat nobis: * illumi-
net vultum suum super nos, et misereatur nostri.
Ut cognoscamus in terra viam tuam: * in omnibus gen-
tibus salutare tuum.

Confiteantur tibi populi Deus: * confiteantur tibi populi
omnes.

Lætentur et exultent Gentes: * quoniam judicas popu-
los in æquitate, et Gentes in terra dirigis.

Confiteantur tibi populi Deus: confiteantur tibi populi
omnes: * terra dedit fructum suum.

Benedicat nos Deus, Deus noster, benedicat nos Deus: *
et metuant eum omnes fines terræ.

Gloria Patri, et Filio, et Spiritui Sancto, etc.

¶. Adduxisti Domine spiritum tuum super terram.

¶. Et prohibitæ sunt pluviae de cœlo.

¶. Cum obduxero nubibus cœlum.

¶. Apparebit arcus meus, et recordabor fœderis mei.

¶. Illustra faciem tuam Domine super servos tuos.

¶. Et benedic sperantes in te.

¶. Domine, exaudi orationem meam.

¶. Et clamor meus ad te veniat.

¶. Dominus vobiscum.

¶. Et cum spiritu tuo.

OREMUS.

Deus, qui culpa offenderis, pœnitentia placaris; pre-
ces populi tui supplicantis propitiis respice: et flagel-